

光宣宜荆續志卷五

新政志

學務

學務公所

勸學所

教育會

學堂

中國學務開世界之先庠序而後繼以太學唐太宗以增舍授講爲主殊方亦切景從宋仁宗以經義治事分齋當世傳爲令式自科舉制行陳陳相因學非所用遂爲通人詬病光緒三十一年 朝廷銳意振興迺去舊制改新制令行省所屬各設學堂研究中西科學宜荆奉文後次第推行始設學務公所旋改勸學所又設教育會城鎮鄉學堂亦以次籌備雖未能遍設卽遭改革迄今數年略無闕遺多士莘莘英才輩出其留學外國者歸時尤能各奏所長罔非昔日爲之嚆矢也

學務公所 勸學所

光緒三十一年科舉旣廢宜荆始設學務公所公推任錫汾爲總理徐保慶朱方來爲協理儲南強爲總幹事是時學堂之已先設者在城惟經史學堂在鄉惟竺西學堂與崇本小學而已三十二年奉文改設勸學所置學務總董兼視學一人公舉儲南強任之是年劃全縣爲十學區創設師範講習所以造就師資故也學堂增設者七所在城

公立二在鄉公立四私立一三十三年儲南強辭職公推徐翰錡不就嗣奉文改設學務總董兼視學員二人公推謝保衡儲祖麟任之是年知新經正合并爲宜荆公學學堂增設者又七所在城一和橋四男學三女學一蜀山一官林一三十四年增設學堂九所在城凡八官立二公立五私立女學一在和橋者一宣統元年儲祖麟辭職改選吳之安任之是年增設學堂三所和橋一官林二二年正月吳之安辭職改選蔣兆燮任之是月之二十六日各學區因自治調查戶口謠言四起鵝山滬南東坡等學堂同時被燬各小學亦多波及輟課暑假以後被燬各堂恢復光宣宜荆續志

卷五

學務公所 勸學所

二

教育會

宜荆教育分會 宣統元年二月成立公舉任錫汾爲正會長朱方來潘鍾瑾爲副會長會所設前宜荆試院定會章八條

學堂

宜荆經史學堂 在城區原係宜荆試院光緒二十九年

朱方來路道安等改設經費以陽羨書院賓興典捐串紙捐等充之三十二年停止

知新學堂 在宜荆試院原名宜荆經史學堂光緒三十二年改

經正學堂 在城區原係陽羨書院光緒三十二年儲南強周學源路鴻甲等籌款興辦

宜荆公學 仍在陽羨書院光緒三十三年周學源等以知新經正歸并合辦

宜荆師範傳習所 在宜荆試院前文昌宮光緒三十二年勸學所設立分日夜兩班半年畢業三十三年停止

光宣宜荆續志

卷五

教育會 學堂

三

以上宜興荆溪合

官立肇新初等小學堂 光緒三十四年宜興縣知縣賴豐熙捐廉創辦校址借設北大街儲宅後遷蔣宗祠宣統末停止

官立明敏初等小學堂 校址借設法藏寺原名南二社小學汪其淵吳之望等創辦光緒三十四年荆溪縣知縣嚴庚辛捐廉改設宣統末停止

宜興官立簡易識字學塾 塾址文昌宮宣統元年宜興縣知縣賴豐熙捐廉倡辦三年停止

荆溪官立簡易識字學塾 塾址內關帝廟宣統元年荆

溪縣知縣嚴庚辛捐廉倡辦三年停止

南一社初等小學堂 校址借育嬰堂光緒三十三年儲

祖麟徐振驥等就原有義塾改辦

南二社初等小學堂 校址借三賢祠光緒三十四年徐

應軫李承溪等就原有義塾改辦

東社初等小學堂 校址借張公廟光緒三十四年程引

鈞等創辦

東北社初等小學堂 校址借關帝廟光緒三十四年儲

南強創辦

西社初等小學堂 校址在蔣瀆里光緒三十四年余克

光宣宜荆續志

卷五 學堂

四

諧史國瑛等創辦

西二社初等小學堂 校址在杏花園光緒三十四年任

光浩等創辦

女子公學 校址賃西廟巷黃祠宣統二年勸學所設立

以上學堂七所經費均由勸學所給發

私立明誠女學 在東撒珠巷光緒三十四年曹啟驤捐

貲創設宣統元年移大人巷

以上在城區

鵝山高等小學堂 在和橋原係鵝山書院光緒三十二

年俞致裕蔣翰勳楊宗敬程丕承等改辦經費以鵝山

書院租息及畝捐街捐等充之舊有平屋十七間宣統元年被燬重建續辦三年添建平屋十間另購校後基地作操場其費均由和橋學區內籌集

公立育萬小學堂 在和橋鎮宣統二年錢鈔張仁鐸俞沐欽馮曜蔣丙華等創辦胡樹捐平字號田四十七畝零拱字號田二畝五分湯字號基地六分

私立善羣兩等小學堂 在漕橋鎮城隍廟舊址光緒三十四年周燮周曜生等募捐創辦宣統元年燬二年改建樓屋五楹平屋五楹其費除畝捐補助外均由漕橋

附近籌集

光宣宜荆續志

卷五 學堂

五

歸美小學 在歸美橋宣統元年談海等募捐創辦

開化小學 在棟樹港宣統二年張宗海繆樵仙等募捐

創辦

樂羣小學 在土墩庵宣統三年周兆稷等募捐創辦

公立第一小學 在雲陽庵光緒三十三年蔣翰勳募捐

創辦宣統二年停

公立第二小學 在大聖寺光緒三十三年吳春熙等募

捐創辦宣統二年停

公立第三小學 在西鋤里蔣宗祠光緒三十三年蔣廷

輔等募捐創辦宣統二年停

公立始齊女學 在和橋光緒三十三年黃兼譚張仁鐸
俞宗諫王德培等創辦

以上宜興和橋區

溇南高等小學堂 在高塍原係溇南書院光緒三十二年王琮陳德賢邵迺岡等改設經費以溇南書院租息及畝捐等充之宣統二年燬復由邵迺岡等募建開辦
成任公立高等小學 在宋瀆光緒三十一年開辦三十二年停

以上宜興高塍區

官林兩等小學堂 在官林鎮借設宗姓家祠宣統元年

光宣宜荆續志

卷五 學堂

六

二月神安清東兩區公立五月遷沖寂觀積穀倉經費
以本區畝捐及糧食茶繭等捐充之

私立求志小學 在臧村儲祠宣統元年臧村儲氏創辦

私立豐義小學 在豐義光緒三十二年儲之儒等以祠

款倡建

以上宜興官林區

竺西高等小學堂 在周鐵鎮原係竺西書院光緒二十九年謝鴻周同銓等改辦三十一年添建樓屋五楹作為學堂經費以竺西書院租息及畝捐等充之

育英小學 在扶風橋文昌閣宣統三年鄭士源馮建侯

捐資創辦

私立養源兩等小學 在夏芳村宣統二年馮姓捐資創辦

儒林小學 在下邾街宣統三年張延賓張脩枏莊拱辰王延賓等創辦

祝唐小學 在周鐵鎮祝唐庵宣統二年正月吳集英徐逢湛徐宗侃吳廷珍等創辦

師鄭小學 在下邾街蔣宗祠宣統二年宋樹槐蔣順祿等創辦三年停

崇本小學 在棠下村張宗祠光緒三十年張宗海等以光宣宜荆續志

卷五 學堂

七

張姓公款撥助開辦
以上宜興周鐵橋區

東坡高等小學堂 在蜀山原係東坡書院光緒三十二年許士照崔克慎潘孔時等改辦經費以東坡書院租息充之

公立復粹小學堂 在蜀山光緒三十三年潘子壽潘子純等創辦經費以文武會公款充之

以上荆溪蜀山區

臨津高等小學堂 在徐舍原係臨津書院光緒三十三年胡彬吳用賓許鳳岡等改設後因費絀停止

養中小學 在茫溪里宣統二年許養中堂創立
道南小學 在麓田圩宣統三年芳圩楊氏創立
蓮溪小學 在潘家壩宣統三年潘春浩等創立
以上荆溪徐舍區

新政志

自治

議事會 董事會

自治之義憲政館奏疏至爲詳明謂自治與官治相對待無官治則無所謂自治惟自治乃相成爲官治合則雙美離則兩傷然則自治固綦重哉昔子產爲政聽鄭人鄉校之言明道泣官設晉城社會之制卽

光宣宜荆續志

卷五 自治

八

此意也光緒三十四年 朝廷始行立憲以庶政公諸輿論爲主遂以籌備自治爲尤亟宜荆籌備獨先於他縣自奉文改設公所卽自城鎮鄉開始循序日躋城廂議事會董事會相繼成立其中議決如議禁賭方法設禁煙分所習藝所農務分會推廣簡易學塾清查荒地各案皆關地方興革爲自治津梁雖或行或未必行而其足以信今傳後者固昭然若揭也惜乎縣自治正在萌芽和橋高塍周鐵各鎮鄉議事董事各會甫經成立卽遭國變自治遂未著成效云
光緒三十四年 朝廷下詔預備立憲始采用地方自治

制度憲政編查館奏定城鎮鄉地方自治章程並擬逐年
 籌備清單限期成立是年六月紳士蔣翰勳等創設地方
 自治研究會於和橋十一月紳士任錫汾等創設宜荆城
 鄉總公所爲籌備自治之計宣統元年閏二月始奉頒城
 鎮鄉地方自治章程一百十二條選舉章程八十二條三
 月奉頒民政部調查戶口章程四月奉頒蘇省會議廳議
 決城鎮鄉自治限期籌辦次序表自宣統元年五月初一
 日起至四年十二月初一日止依此定限祇准提前不得
 越後六月奉頒籌備自治公所簡章八條七月奉頒調查
 戶口及選民資格簡則表式冊式並自治章程疑義簡釋
 光宣宜荆續志
 卷五 議事會 董事會
 九
 十一條八月奉頒籌備自治公所通行辦法及城廂自治
 籌備日期表又奉札查報區域兩縣頒發調查戶口簡明
 告示徧爲張貼城鄉總公所改設籌備城鎮鄉自治公所
 九月兩縣先調查城廂戶口十月籌備自治公所申送城
 廂區域圖 以在城原有六圖分劃六區分段調查 十一月籌備公所議決原
 有二十六區劃分九鎮 開上開下設芳橋鎮洞上洞下設周鐵橋鎮萬一萬二設和橋鎮宜
成任山亭設宋瀆鎮神安及清東北九圖設官村鎮清東
南九圖及清西山亭從五設楊巷鎮金泉永豐設張渚鎮
荆成任山亭及五賢從善設徐舍鎮均 選派調查員限二
上均下清泉設蜀山鎮各設立議事處
 年正月竣事十二月兩縣申送城廂戶口一覽表 計戶二千二百
 男九千八百九十九女 又宣示城廂選舉人名冊二年正月
 六千四百九十八

城廂舉行投票乙級當選徐德輝等甲級當選徐保慶等是時各鎮鄉調查戶口從事者半係辦學人員頗欲實事求是而鄉民狃於保甲門牌向來敷衍不知調查戶口爲何事於是謠詠紛起莠民又從而煽惑之遂於月之二十六七八數日以内和橋高塍蜀山及各處小學堂同時釀成毀學之禍一切調查表冊悉付之破毀漸滅自是鎮鄉籌備自治乃不得不中途停輟矣二月城廂議事會董事會舉行互選議事會當選徐保慶等董事會當選徐人驥等三月奉頒府廳州縣自治章程一百五條選舉章程四十七條蓋憲政編查館已於元年十一月奏定頒行者也

光宣宜荆續志

卷五

議事會 董事會

十

四月奉頒廳州縣自治施行細則及籌備日期詳表

宣統三年

五月初一日止

六月奉頒流通宣講章程八條廳州縣自

治區劃更正辦法兩條

一廳州縣所轄之鎮鄉有分屬兩省者定爲兩區域如有彼此相關

應行合辦之事按照城鎮鄉自治章程第十三條由該二鎮鄉協議設聯合會辦理之一廳州縣所轄之鎮鄉有分屬二府廳州縣以上者定爲兩項辦法如左甲有天然界限或以地方公款公產向係劃清者分爲兩區域乙市街毘連者以其市街所占地之小者并於所占之地大者而爲一區域劃至有天然界限之處爲止其被并後所餘之村落得援照城鎮鄉自治章程由舊隸

七月設立縣自治籌

備公所擬訂簡章八條辦事細則十一條經費以宣統二
年上忙起三年上忙止所有帶征積穀撥五成之一充用
八月縣自治籌備公所推舉儲蘊華等四人充自治流通

宣講員城廂議事會呈送自治總規約八條議事會議事規則二十三條旁聽規則七條議事會辦事規則四條董

事會辦事規則九條董事會會議規則十條自治罰則六

略謂三代以上宗法與井田並行故其時世家

大族多象賢之後裔暴秦興而其法廢至范文正公創設義莊推選莊主隱然有立宗子復古禮之意夫有莊者可

行宗法無莊者亦未始不可行宗法擇族中之賢而長者

為之主歲有會月有約集同族少長講明家規凡子弟之

無業者就其才質所近責令於士農工商四者之中專習

一途族人雖多總不使其怠惰偷安游手好閒而流入於

匪僻漢鄧禹功臣也有子十三人使各守一藝此勸後嗣

以習實業之證宋陸九韶名儒也累世同居一人為家長

一家之事聽命焉此行宗法以教族人之心證然則前言往

行之可師可法者多矣安在今之人心必不古若耶況乎

未可以略有倚賴之故而習成游蕩之風各族之為家長

者果能督率而獎誘之庶幾其有效也

十一月城廂議事會舉行補選當選

者吳煒暹等均山區分為七鄉曰蜀山曰丁山曰蘭右曰

湖汭曰震東曰湯渡曰川埠十二月奉頒施行議事會議

決案方法四條三年三月奉頒調查戶口表式四種

一遷來移去表二承繼往來表三男婚女嫁表四滋生故絕表

四月奉頒展長查核自治議案限期條文五月奉頒解釋罰金權限條文整頓自治方法及地方自治對於私人事業之單行法六月宜興萬一萬

二成任山亭等區調查竣事改萬二區之西南各圖合并宜成任山亭為高陞鎮萬二區之東北各圖合并萬一區

為和橋鎮是月舉行投票高陞議事會當選呂贊虞等董

光宣宜荆續志

卷五 議事會 董事會

十一

事會當選陳薇藩等和橋議事會當選楊宗敬等董事會當選蔣丙華等九月周鐵橋投票議事會當選張嘉植等鄉董張熙等未幾國變

按芳橋周鐵橋始定爲鎮復改爲鄉

新政志

選舉

諮議局

自古選舉之制莫良於鄉舉里選矣然李固騰書處士有虛聲之懼劉毅上疏中正爲姦府之叢欲求選舉得人絕無私弊戛戛乎其難之宣統元年宜荆奉文選舉諮議局議員於是憲政初頒人民感奮芟除舊習相與濯磨初選既絕少爭持覆選亦均爲得當

光宣宜荆續志

卷五

選舉

十一

其後城廂及和橋高塍周鐵橋自治選舉亦然宜荆選舉實以此稱最云

光緒三十三年九月 朝廷將預備立憲始命各省速設諮議局三十四年六月憲政編查館奏擬各省諮議局章程十二章六十二條選舉章程一百十五條宜荆奉文籌辦遂合設諮議局選舉調查事務所公推郁恂朱滋爲所長於是先調查選民資格不及戶口人數以明令迫促故也十一月造送選舉人名冊宜興二千七十一名荆溪一千四百五十四名宣統元年正月奉頒投票所辦事細則開票所辦事細則及調查須知選舉須知各書二月奉札

議員額數照選舉章程第六十八條分配法配定常州府屬八縣共一萬九千九十八人應選出議員二十一名又分配初選當選人額數以除選舉人總數每九十人得一人宜興得二十三荆溪得十六又奉頒選舉章程解釋彙抄及投票紙投票簿投票匭是月兩縣分劃投票處共九區合在城爲十區閏二月舉行初選舉投票當選人皆如數選出三月造送初選應選人名冊各應選人齊集常州府治在府中學堂舉行複選舉投票宜興當選者儲南強黃應中謝保衡共三人荆溪當選者吳鴻基一人五月宜荆選舉調查事務所裁撤是年同時籌備選舉者爲城鎮鄉自治宣統二年正月城廂自治選舉畢三年六月和橋高塍自治選舉畢事在自治志中

光宣宜荆續志

卷五 諮議局

十三

新政志

警察

適人徇路見於夏書司隸禁姦詳於周制後世游徼踐更之法實源於此然則警察亦猶行古之道也歐洲警務統名巡警日本則以警察定章有行政司法之別有巡查勤務之司既詳且備光緒二十七年朝廷采用其制始設巡警部繼乃令各省屬同辦警察宜荆兩縣以經費未充始僅行於城廂久乃分設

和橋巡士雖無多成績未甚著然亦頗費籌畫云

光緒二十七年奉 諭旨飭練巡警軍是爲仿行外國警察法之始二十九年宜荆奉文興辦在城內設巡警總局招募警兵六十名延聘警察畢業生查乙照督率教練以兩縣典史爲巡官外委爲巡弁警務長由知縣兼任常年經費約需錢五千餘千文三十四年四月奉頒違警律四十五條八月奉頒憲政編查館逐年籌備清單廳州縣巡警限二年內粗具規模第四年籌辦鎮鄉巡警第六年鎮鄉巡警粗具規模宣統二年二月奉文從本年起每縣巡警名數至少八十名兩縣同城者至少一百二十名巡警

光宣宜荆續志

卷五 警察

十四

教練所每處至少須滿一百名三月造送巡警第一第二表稟陳歷年經辦情形四月稟調上海巡官徐亞伯等來宜整頓警務兩縣典史始撤銷巡官名目六月申送巡警槍彈數目表自光緒三十四年起宣統元年止共銷耗藥彈一百顆洋藥一百磅土藥三十斤銅殼千顆借領毛瑟槍八桿來福槍二十桿七月奉頒城鎮鄉巡警章程巡警教練所畫一規則擬定學生名額各州縣分繁中簡三等繁治同城者至少一百名中治至少六十名同城者共合九十名簡治者至少三十名是月設教練所招考學生九十名八月迭奉札催籌撥鄉鎮巡警經費兩縣造送預算

常年費約需銀一萬六千四百四十五圓宣統三年宜興
和橋鎮創辦巡警置區官一名巡士三十名是爲各鎮鄉
設立巡警之始然餉械服裝需款頗巨皆就地籌撥商捐
縣令不過負督率監察之任而已